

ze strony ličomych samych, z džěla tež ze strony ličerjow. Mnozy wot ličomych Serbow njewobkedźbuja abo přewidža rubriku, hdžež maju swoju narodnosć zapisać, mnohe słabe duše boja so dla wšelakich dziwnych přičinow ju wuznać abo su tak hlupje hordeje mysle, zo swojeje serbskeje narodnosće so hanibuju do Němcow so liča. Z druheje strony husto ličerjej abo revisorej ličeŕskich listnow ničo na tym njezaleži, hač so Serb tež woprawdže jako Serb zapiše, hdyž je jenož hewak wšo w rjedže, haj, w městach a wjetšich wsach wón (Němc) z cyła tež wědžeć njemóže, hač je štó Serb abo nic; su pak tež pady a nic tak ředke, zo ličeŕ sam njecha, zo by so tón abo tamny jako Serb zapisał abo zo sam jeho zapisuju z wotpohladom jeho narodnosć njeřipiše, n. př. knježa w nastupanju swych služobnych a džělačerjow. Příklady k tomu podam w zawodže k statisticy saskich Serbow.

Tele a podobne njedostatki dotalnych ličenjow spóznawši wobsamknuch raz sam Serbow ličić, podach so na puć do serbskeho kraja a khodžach wote wsy do wsy wěste ličby zběrajo a to najprjedy po Delnich Łužicach. Při tym nałožuju wěsćišu, wot dotalnych wotkhadźacu methodu, přepytowach a naprašowach so wšudže pola ludźi, kotřiž wšěch wobydleri swojeje wsy derje znajachu, kelko je tam rodzenych Němcow a kelko tajkich Serbow, kotřiž wjacj serbscy njerěča; tutu zwjetša mjeńšu ličbu wotěahnuch wot ličby wšěch wobydleri a namakach tak po mojim zdaću wěstu a woprawdžitu ličbu Serbow. Hdžež pak běch sebi tola někak njewěsty, sym so z nowa při wobdžělanju swych zapiskow listnje naprašował wěrnosćiwych a z wobstejnosćemi jednotliwych wsow derje znatych swědkow a dostach tak husto wobkrućenje ličbow, kotrež běch sebi sam napisał. Do Serbow sym ličil nic tych, kiž su serbskeho rodu, ale jeno tych, kiž serbski řečeć wuměja a řeča (a to přede wšěm domach we swójbje), do Němcow pak wšěch rodzenych Němcow, hdy bychu tež serbski někak rozumili, jeli runje wšědnje ze swojej hewak serbskej swójbje serbscy njerěča, štož so druhdy tola stawa w měšanych mandželstwach na wsach, hdžež hišće serbska řeč powšitkownje domach a wonkach knježi; do Němcow pak sym tež tych rodzenych Serbow ličil, kotřiž su přeněmčeni, n. př. džěci serbskich